



Bhaiq hao aq nia nail ganl




Naq jaol-a nail bhaiq hao teevq maol jaol lao thaq nail ngaol.



Teevq-n neq, bhaiq haq al maol haq tsoiq bha tsaol-aivq thaq
nail ngaol.




Aq u phao tsaoq-ail maol kovq teevq maol bhai hel daiq moel
thaq nail ngaol.




Al heel ngel-i mail bhaiq hao al maol neq, aq bhaol iq govq
bhai uvq jiav-ail thaq nail ngaol.



A bhai nee ngal-aq, bhaiq hao neq, aq pavq nee aq tsi tsu dai
dov la khi yaoq phao yaoq tsaol-aivq thaq nail ngaol.



Bhaiq hao neq, mao dai ail eq thaq i mail gail khaol gail bheeq
bheeq-ail bhiq thaq nail ngaol.




Al ovq tavq laol jaol iq sanl moel khi, khal hai khi mail ceiv-ail heeq meeq dai noeq thaq nail ngaol. Thail hai ngaol-aoq, teevq yanq khi al ngal-aq noeq dov thaq nail ngaol.




Bhaiq hao neq, aq bhaol keivq tsuq khi ceiv lai thaq nail ngaol.
Al heel ngel-i mail aivq nail aq khaol bhai kovq dav lai nia thaq
nail ngaol.


Uq baol khi mail aq bhaol bhaol ma nail ganl




Uq baol uq tsaoq khi mail, aq bhaol bhaol ma teevq gaq khe-ai
eeq lal thaq nail ngaol.




Teevq-n aq bhaol neq, uq baol bhai naol neq, ngaq-ai khe-ai
maq moe il dai ge bhiq thaq nail ngaol. Thail hai ngaol-aoq uq
baol neq khul maq khi ail dai ge kovq bhiq thaq nail ngaol.



Al ovq tavq naol neq, ngaq-ai khe-ai maq eeq il dai gaoq ge
bhiq thaq nail ngaol. Uq baol neq, khul maq khi maq eeq gaoq
neq, dai gaoq ge kovq bhiq thaq nail ngaol.




Aq bhaol i mail uq baol bhai naol neq, ngaq-ai khe-ai gaq maq kav il dai gaoq ge bhiq thaq nail ngaol. Uq baol neq, khul maq khi ngal iq sanl aq meeq ngaol dai ge kovq bhiq thaq nail ngaol.



Teev-n neq, lil moel lil ma bhoel lal bhiq thaq nail ngaol. Aq u phao aq bhaol neq, uq baol bhai " thoq " naol neq, ngaq-ai khe-ai gaq maq kav ail dai ge bhiq thaq nail ngaol.




Uq baol neq, khul maq khi ail ngal neq, lil moel khal bhoe nail
phao ail naol dai ge kovq bhiq thaq nail ngaol.



Aq bhaol neq, uq baol bhai ngal neq, naoq bhai gaoq haq lal il
dai meel naq bhiq thaq nail ngaol.



Uq baol neq, ngaq bhai thaq gaoq haq naol maol ma eeq khi
ngaol-aoq, yaoq phaq yaoq-ao nee mail maq gaq lai nia-ail dai
ge kovq bhiq thaq nail ngaol.



Aq u phao, lil moel lil ma bhoel lal khi aq bhaol neq, aivq bhai
aivq maq gaq lai nia-ail pevq lal bhiq khi bhoe tsul-aivq bhiq
thaq nail ngaol.

Bhaiq hao aq nia nail ganl



Haoq gavq phal doiq nail aq mil : Bhaiq hao aq nia nail ganl

Gevq dov-a nail gaq : Saol joiq

Jeq-e nail daoq : Gaol kheel

Maol khoel : Saol joiq

Gevq dov-a nail aq yanq : April 2007

Nvq pov teevq pov lav sav phal-a nail : April 2015

Geeq laoq eeq daoq

Haoq gavq phal doiq niil doiq neq, haoq gavq ge jao
jao nail juq khi mail haoq gavq ge nia nail juq bhai bhi ge nail
phal doiq ngaol. Yaoq gaq yaoq-ao nee ge meeq-ai bhiq ail jao-
aq dai noeq thuq-nq khi gevq-a nail ngaol.

Aol nail phaq

Aqmil

Haoq gavq maiv phaoq

Bhaiq hao aq nia nail ganl.....

Uq baol khi mail

aq bhaol bhaol ma nail ganl.....